



XALQ DEPUTATLARI SURXONDARYO VILOYATI UZUN TUMANI KENGASHINING QARORI

Uzuntumani, O'zbekistonko'chasi 7-uy. tel.: (+99876)44-73-545, uzun.t@exat.uz

2023 - yil 29 - dekabr

VI-66-135-8-118-K/23

Uzun tuman hokimligi

Surxondaryo viloyati Uzun tumanining 2024 yilgi mahalliy budjetini tasdiqlash to‘g‘risida

O'zbekiston Respublikasi "Mahalliy davlat hokimiyati to‘g‘risida"gi Qonuning 6, 24-moddalari, Budget kodeksining 99-moddasi, "2024-yil uchun O'zbekiston Respublikasining Davlat budjeti to‘g‘risida"gi Qonuniga muvofiq hamda Surxondaryo viloyati Iqtisodiyot va moliya bosh boshqarmasining xatini inobatga olib, xalq deputatlari Uzun tuman Kengashi **qaror qiladi**:

1. O'zbekiston Respublikasining 2023-yil 25-dekabrdagi "2024-yil uchun O'zbekiston Respublikasining Davlat budjeti to‘g‘risida"gi O'RQ-886-sonli Qonuni hamda Surxondaryo viloyati Iqtisodiyot va moliya bosh boshqarmasining 2023-yil 26-dekabrdagi 22-04-13/7532-sonli xati ijro va rahbarlik uchun qabul qilinsin.

2. O'zbekiston Respublikasining 2023-yil 25-dekabrdagi "2024-yil uchun O'zbekiston Respublikasining Davlat budjeti to‘g‘risida"gi O'RQ-886-sonli Qonuniga (keyingi o'rinnarda Qonun deb ataladi) muvofiq, Uzun tuman mahalliy budgetining 2024-yil uchun daromadlari 126 mlrd. 51 mln 309 ming so‘m, xarajatlari 179 mlrd. 254 mln. 700 ming so‘m prognoz qilinganligi hamda respublika budgetidan ajratiladigan tartibga soluvchi budgetlararo transfertlar 53 mlrd. 203 mln. 391 ming so‘m miqdorida tasdiqlanganligi ma'lumot uchun qabul qilinsin.

3. 2024-yil uchun Uzun tumanini rivojlantirishning asosiy makroiqtisodiy ko'rsatkichlari prognozi hamda 2024-2025-yillarga maqsadli mo'ljallari **1-ilova**ga muvofiq, 2024-yil uchun tuman mahalliy budjeti daromadlari prognozi **2-ilova**ga muvofiq ma'lumot uchun qabul qilinsin.

4. 2024-yil uchun tuman budgetidan budget mablag‘larini taqsimlovchilarga

ajratiladigan mablag‘larning cheklangan miqdorlari [3-ilova](#)ga muvofiq tasdiqlansin.

5. 2024-yil uchun tuman budgetiga umum davlat soliqlaridan ajratmalar normativlari [4-ilova](#)ga muvofiq tasdiqlansin.

Bunda, ajratmalar normativlari bo‘yicha tuman mahalliy budgeti taqsimotini o‘rnatilgan tartibda tuman G‘aznachilik хизмати бўлими tomonidan amalga oshirilishi belgilab qo‘yilsin.

6. 2024-yil uchun tuman mahalliy budgetlarining daromadlari va xarajatlarining prognozi [5-ilova](#)ga muvofiq ma’lumot uchun qabul qilinsin.

7. 2024-yil uchun viloyat budgetidan tuman mahalliy budgetiga ajratiladigan tartibga soluvchi budgetlararo transfertlar miqdorlari [6-ilova](#)ga muvofiq tasdiqlansin.

Bunda, tartibga soluvchi budgetlararo transfertlar miqdorini tuman mahalliy budgeti daromadlari prognozi ijrosidan qat’iy nazar kamaytirishga yo‘l qo‘ylmasligi Qonunda belgilab qo‘yilganligi ma’lumot uchun qabul qilinsin.

8. 2024-yil uchun tuman mahalliy budgeti zaxira jamg‘armasi hajmlari 1 mlrd. 592 mln. 145 ming so‘m miqdorida belgilansin.

Tuman budgetining 2024-yil uchun zaxira jamg‘armalari tegishli budgetlar tasdiqlangan umumiylar xarajatlarining kamida 1,0 foizi miqdorida shakllantirilsin.

Uzun tuman budgetining ijro etishda yuqori turuvchi budgetdan ularga ajratiladigan budgetlararo transfertlarning prognozidan oshgan qismi uchun tegishli budgeti zaxira jamg‘armalar miqdorlariga aniqlashtirish kiritilmaydi.

9. 2024-yil uchun tuman budgeti shaxsiy g‘azna hisob varaqlarida turgan budget mablag‘larining yo‘l qo‘yiladigan eng kam miqdori 892 mln. 590 ming so‘m [7-ilova](#)ga muvofiq belgilansin.

10. O‘zbekiston Respublikasining mazkur Qonuni bilan 2024-yilda xalq deputatlari Kengashlarini mahalliy budgetlarni boshqarishda, xususan mahalliy budget xarajatlarini hududiy budget mablag‘lari taqsimlovchilar kesimida tasdiqlash va ularning Kengash oldidagi hisobdorligini belgilash bo‘yicha vakolatlari kengaytirilganligi inobatga olinsin.

Shuningdek, 2024 -yilda quyidagi soliq turlari:

a) Quyidagi soliq turlari va boshqa majburiy to‘lovlar viloyat budgeti hamda shahar va tumanlar budgetlari o‘rtasida taqsimlanadi:

- qurilish materiallari bo‘yicha yer qa’ridan foydalanganlik uchun soliq;
- yuridik shaxslarning mol-mulkiga solinadigan soliq;
- yuridik shaxslardan olinadigan yer solig‘i;
 - benzin, dizel yoqilg‘isini va gazni yakuniy iste’molchilarga realizatsiya qilishdagi aksiz solig‘i;
 - ayrim turdagи tovarlarning chakana savdosiga huquq uchun yig‘imlar;
 - qonunchilikda belgilangan miqdorlarda O‘zbekiston Respublikasining Davlat budgetiga undiriladigan boshqa yig‘imlar (bojxona organlari tomonidan undiriladigan yig‘imlar va g‘ildirakli transport vositalari, o‘zi yurar mashinalar va ularning tirkamalari uchun undiriladigan utilizatsiya yig‘imidan tashqari);
 - avtotransport vositalarini sotib olganlik va (yoki) O‘zbekiston Respublikasi hududiga vaqtinchalik olib kirganlik uchun yig‘imlar;
 - davlat aktivlarini joylashtirishdan, foydalanishga (ijaraga) berishdan va sotishdan qonunchilikda belgilangan normativlar bo‘yicha olingan daromadlar;
- b) Viloyatning viloyat budgetiga quyidagi soliq turlari va boshqa majburiy to‘lovlar to‘lig‘icha o‘tkaziladi:
 - elektr stansiyalari tomonidan to‘lanadigan suv resurslaridan foydalanganlik uchun soliq;
 - qonun hujjatlarida belgilangan miqdorlarda davlat bojlari (patent boji va litsenziya bergenlik uchun davlat bojlaridan tashqari);
 - qonun hujjatlarida belgilangan miqdorlarda O‘zbekiston Respublikasi Davlat budgetiga undiriladigan jarimalar;
 - qonun hujjatlarida belgilangan miqdorlarda davlat daromadiga o‘tkaziladigan mol-mulkni realizatsiya qilishdan tushgan tushumlar, mahalliy davlat hokimiyati organlarining ulushi bo‘yicha dividendlar (dromadlar) va ajratmalar;
 - jismoniy shaxslardan olinadigan daromad solig‘i (jismoniy shaxslarning

mulklarni ijaraga berishidan olinadigan yillik daromadlari bo‘yicha deklaratsiyaga asosan shuningdek yakka tartibdagi tadbirkorlar tomonidan to‘lanadigan daromad solig‘idan tashqari) 100 foizi;

-foyda solig‘idan tushumlarning (O‘zbekiston Respublikasi Prezidenti qarori bilan tasdiqlanadigan ro‘yxatga muvofiq yirik soliq to‘lovchilar, O‘zbekiston Respublikasida doimiy faoliyat olib boruvchi muassasa orqali faoliyat yurituvchi O‘zbekiston Respublikasi norezidentlari tomonidan, shuningdek norezidentlarning to‘lov manbaida ushlab qolinadigan daromadlaridan to‘lanadigan foyda solig‘idan tashqari) 100 foizi o‘tkaziladi.

v) Quyidagi soliq turlari shahar va tumanlar budgetiga to‘liqligicha o‘tkazib beriladi:

-jismoniy shaxslardan olinadigan mol-mulk solig‘i;

-jismoniy shaxslardan olinadigan yer solig‘i;

-jismoniy shaxslarning mulklarni ijaraga berishidan olinadigan yillik daromadlari bo‘yicha deklaratsiyaga asosan shuningdek yakka tartibdagi tadbirkorlar tomonidan to‘lanadigan daromad solig‘i;

-suv resurslaridan foydalanganlik uchun soliq, bundan elektr stansiyalaridan tomonidan to‘lanadigan soliq mustasno;

-aylanmadan olinadigan soliq;

11. 2024-yil 1-yanvardan ehtiyojmand oilalar uchun nafaqalar yuqori budgetga va tuman Soliq inspeksiyasi va tuman Xalq qabulxonasini saqlash xarajatlari tuman budgetiga o‘tkazilayotganligi ma’lumot uchun qabul qilinsin.

12. Tuman hokimining birinchi o‘rinbosari B.Xasanov, Iqtisodiyot va moliya bo‘limi B.Baratov, tuman Soliq inspeksiyasi (Sh.Qosimov) tuman mahalliy budgeti mablag‘lari hisobidan mablag‘ bilan ta’minlanadigan budget tashkilotlar bilan birgalikda:

tegishli budgetlarni birinchi navbatda ish haqi va unga tenglashtirilgan to‘lovlar, oziq-ovqat va dori-darmon va kommunal xizmatlar xarajatlarining rejallashtirilishini nazarda tutgan holda shakllantirish;

mahalliy budget prognoz ko‘rsatkichlarni o‘z vaqtida va samarali bajarish;

budget mablag‘laridan maqsadli va samarali foydalanish;

udget intizomiga rioya etilishi ustidan nazorat va mas'uliyatni yanada kuchaytirish;

tegishli mahalliy budgetlarga soliqlar va boshqa majburiy to'lovlarning to'liq tushumini ta'minlash;

budget daromadlar bazasini oshirish va qo'shimcha rezervlarni aniqlash zarurligiga alohida e'tibor qaratsin.

13.Tuman Soliq inspeksiyasi (Sh.Qosimov) O'zbekiston Respublikasi Soliq kodeksida belgilangan vakolatlaridan kelib chiqib:

soliqlarning to'liq va to'g'ri hisoblanishini hamda ushbu soliqlarni o'z vaqtida budgetga undirilishi ustidan soliq nazoratini kuchaytirish;

yer solig'i, suv resurslaridan foydalanganlik uchun soliq va mol-mulk soliqlari bo'yicha doimiy tahlillar o'tkazgan holda, soliqlarni to'liq hisoblanishini ta'minlash hamda ushbu soliq to'lovlar bo'yicha soliq qarzdorligiga yo'l qo'ymaslik choralarini ko'rish;

aylanmadan soliq turi bo'yicha soliq to'lovchilar tomonidan naqd pul aylanmalarining soliq hisobotlarida to'liq aks ettirilishi ustidan doimiy soliq nazoratini o'rnatish hamda zarur hollarda xronometraj va kameral soliq nazorati tadbirlarini o'tkazish;

Bunda, mazkur yo'nalishda jamoatchilik nazoratini kuchaytirish maqsadida fuqarolarga xarid chekini talab qilib olishni targ'ib etuvchi ijtimoiy roliklar hamda video materiallar tayyorlab, ijtimoiy tarmoqlar va ommaviy axborot vositalarida keng targ'ibot-tashviqot ishlarini olib borishga alohida e'tibor qaratsinlar.

xatlov ishlarini samarali tashkil etish orqali yer va mol-mulk solig'inining soliq bazasini oshirish vazifasi yuklatilsin.

14. Tuman Soliq inspeksiyasi (Sh.Qosimov), Kadastr agentligi tuman bo'limi boshlig'i (lavozimiga muvofiq) 2024-yildan boshlab yuridik shaxslar mol-mulk solig'ini hisoblashda ko'chmas mulklarga 1 kv.metr uchun minimal miqdorlar joriy etilganligidan kelib chiqib, tumanda mavjud soliq to'lovchilarning mol-mulklari maydonlarini chuqur tahlil etgan holda ushbu mol-mulklarga nisbatan soliqlarni to'liq hisoblanishini ta'minlasin.

15. Majburiy ijro byurosi Surxondaryo viloyati Uzun tuman bo'limi (S.Majidov) tuman Soliq inspeksiyasi (Sh.Qosimov) bilan hamkorlikda soliqlar va

boshqa majburiy to‘lovlar bo‘yicha mavjud soliq qarzdorliklarini budgetga undirish yuzasidan tegishli choralar ko‘rib borsin hamda choraklar yakuni bilan soliq qarzdorliklarining chorak boshiga nisbatan kamayib borishi bo‘yicha barcha kompleks chora-tadbirlar ko‘rish vazifasi yuklatilsin.

16. Kambag‘allikni qisqartirish va bandlik bo‘limi (X.Rasulov) tumandagi jismoniy shaxslarning yer va mol-mulk soliqlari bo‘yicha joriy hisoblangan soliqlarni hamda ushbu soliqlardan mavjud soliq qarzdorliklarini undirish yuzasidan soliq organlariga amaliy yordam ko‘rsatsin.

17. Tuman hokimining birinchi o‘rinbosari (B.Xasanov) Davlat aktivlarini boshqarish agentligi Surxondaryo viloyati hududiy boshqarmasi bilan birgalikda:

bo‘sh turgan davlat mulki ob’ektlarini aniqlash bo‘yicha xatlov ishlarini samarali tashkil etish;

xatlov natijalariga ko‘ra tumanda mavjud bo‘sh turgan davlat mulki ob’ektlari ro‘yxatini shakllantirish;

shakllantirilgan ro‘yxatga asosan bo‘sh turgan davlat mulki ob’ektlarini ijaraga berish yoki sotish bo‘yicha tegishli takliflar tayyorlash;

bo‘sh turgan davlat mulki ob’ektlarini ijaraga berish yoki sotish bo‘yicha ijtimoiy tarmoqlar va ommaviy axborot vositalarida roliklar va video-materiallar tayyorlash;

xususiylashtirilishi mo‘ljallangan bo‘sh turgan davlat mulki ob’ektlarini «ye-ijro auksion» maydonchasi orqali sotish ishlarini tashkillashtirish vazifasi yuklatilsin.

18. Tuman hokimining birinchi o‘rinbosari (B.Xasanov) Davlat aktivlarini boshqarish agentligi Surxondaryo viloyati hududiy boshqarmasi, tuman soliq inspeksiyasi (Sh.Qosimov) davlat korxonalari hamda ustav kapitalida 50 foiz va undan ortiq davlat ulushi mavjud bo‘lgan yuridik shaxslar tomonidan 2024-yilning 1 iyuliga qadar 2023-yil yakunlari bo‘yicha o‘z sof foydasining 50 foizidan kam bo‘lмаган miqdoridagi ajratmalar va davlat ulushi bo‘yicha dividendlarni 2024-yilning 1 sentabridan kechiktirmay tegishli darajadagi budgetlarga o‘tkazilishini ta’minlasin.

19.Tuman hokimining birinchi o‘rinbosari (B.Xasanov) Monopoliyaga qarshi kurashish qo‘mitasi Surxondaryo viloyati hududiy boshqarmasi bilan birgalikda tashqi reklama ob’ektlarini to‘liq xatlovdan o‘tkazgan holda, ushbu

tashqi reklama ob'ektlari bo'yicha shartnomalar tuzish choralarini ko'rsin hamda ushbu shartnomalar bo'yicha yig'imlarni budgetga to'lanishi ustidan doimiy nazorat o'rnatsin.

20. Tuman Irrigatsiya tizimlari bo'limi va tuman soliq inspeksiyasi tuman hokimligi bilan birgalikda tumanda sug'orishga sarflanayotgan suv hajmlari bo'yicha aniq hisob-kitoblar yuritgan holda mazkur iste'mol hajmlari bo'yicha suv resurslaridan foydalanganlik uchun soliqlarni to'liq hisoblanishini hamda moliya yili yakuniga qadar mahalliy budgetlarga to'liq undirib olish vazifasi yuklatilsin.

Bunda, qishloq xo'jaligi korxonalari tomonidan iste'mol qilinayotgan suv resurslari hajmlari va ushbu hajmlar bo'yicha hisoblanayotgan suv soliqlari bo'yicha doimiy tahlillar o'tkazishga alohida e'tibor qaratilsin.

21. Tuman Ichki ishlar bo'limi (O.Ergashev), tuman yo'l harakati xavfsizligi bo'limi, Davlat xizmatlari agentligi tuman bo'limi boshlig'i (X.Abdukadirov) hisoblangan boj, jarima va yig'imlarni o'z vaqtida o'rnatilgan tartibda budgetga undirish choralarini ko'rib borsin.

22. Xalq deputatlari tuman Kengashining mahalliy budget, iqtisodiy islohotlarni amalga oshirish, investitsiyalar va tadbirkorlikni rivojlantirish masalalari bo'yicha doimiy komissiyasi:

mahalliy budgetning qo'shimcha manbalaridan foydalanish to'g'risidagi hokimlik tomonidan taqdim etilgan takliflari asosida budget qonunchiligidagi to'liq rioya etilgan holda Kengash qaror loyihasini ishlab chiqilishiga;

Kengash qarori asosida mahalliy budgetning qo'shimcha manbalari hisobidan ajratilgan mablag'larni samarali va maqsadli foydalanishi ustidan nazorat o'rnatishga va natijalari bo'yicha tavsiyalar berishga monitoring qilishga;

mahalliy budget xarajatning qonunchilikda belgilangan qismining jamoatchilik fikri asosida shakllantirilgan tadbirlarni moliyalashtirishga yo'naltirilishida ishtirok etadi va ushbu mablag'larning maqsadli sarflanishi ustidan nazoratni amalga oshirishga mas'ul etib belgilansin.

23. Tuman hokimligi:

tuman budgetida shakllangan qo'shimcha mablag'larining kamida 30 foizini jamoatchilik fikri asosida shakllantiriladigan tadbirlarni moliyalashtirish uchun "Fuqarolar tashabbusi jamg'armasi"ga yo'naltirsin.

Bunda, tuman xalq deputatlari, Yoshlar ishlar agentligi, tuman hokimligi huzuridagi Jamoatchilik kengashlari hamda hokim yordamchilari budjet jarayonida

fuqarolarning faol ishtirokini ta'minlash maqsadida aholiga keng targ'ibot-tashviqot ishlarini olib borishga mas'ul etib belgilansin;

mahalliy budgetlarning qo'shimcha manbalari hisobidan xarid qilingan tovarlar va xizmatlar, qurilish, rekonstruksiya qilish va ta'mirlash ishlari olib borilayotgan ob'ektlar ro'yxati, shuningdek qurilish-ta'mirlash ishlarining moliyalashtirilishi to'g'risidagi ma'lumotlar har chorak yakunlariga ko'ra, keyingi chorak birinchi oyining 10 sanasiga qadar majburiy tartibda tegishli hokimlik rasmiy veb-saytlariga joylashtirib borilsin.

24.Tuman hokimining birinchi o'rinnbosari B.Xasanov, xalq deputatlari tuman Kengashi kotibiyati, tuman hokimligi, tegishli tashkilotlar:

mahalliy budget daromad va xarajatlarining prognoz ko'rsatkichlari bajarilishi hamda soliq bazasini kengaytirish yuzasidan ko'rilgan chora-tadbirlar;

ajratilgan budget mablag'laridan maqsadli va samarali foydalanishi yuzasidan erishilgan natijalar bo'yicha Kengashga bir chorakda kamida bir marotaba hisobot kiritib borsin.

25.Tuman hokimligi Qonunda belgilangan ayrim soliqlar va to'lov stavkalari, soliq solish tartiblari hamda boshqa ma'lumotlarni ommaviy axborot vositalarida yoritilishini ta'minlasin.

26.Mazkur qaror "Bobotog' tongi" gazetasida rasmiy e'lon qilinsin hamda tuman hokimligining rasmiy veb-saytiga joylashtirilsin.

27.Ushbu qaror rasmiy e'lon qilingan kundan boshlab kuchga kiradi.

28.Mazkur qaror bajarilishini nazorat qilish xalq deputatlari tuman Kengashining Mahalliy budgetni shakllantirish va ijro etish, iqtisodiy islohotlarni amalga oshirish va tadbirkorlikni rivojlantirish masalalari doimiy komissiyasi va tuman hokimligi zimmasiga yuklatilsin.

Sessiya raisi



Ishmamatovich T. B.

Xalq deputatlari Uzun tuman
Kengashining
2023-yil 29-dekabrdagi
VI-66-135-8-118-K/23-son qaroriga
1-ilova

Uzun tumanining 2024-yilga rivojlantirishning makroiqtisodiy ko'rsatkichlari prognoz ko'rsatkichlari
hamda 2024-2025-yilga mo'ljallari

Nº	Ko'rsatkichlar	2024-yil uchun prognoz	2025-yil uchun mo'ljal	
2.	Qishloq, o'rmon va baliq xo'jaliklarida ishlab chiqarishning o'sish sur'ati, foizda	104,3	105,2	1.Sanoat mahsulotlarining o'sish sur'ati, foizda
3.	Xizmat kursatish sohasi o'sish sur'ati, foizda	110,9	111,2	
4.	Chakana tovar aylanmasining o'sish sur'ati, foizda	107,4	108,3	
5.	Qurilish ishlari hajmi o'sish sur'ati, foizda	107,0	107,5	

Xalq deputatlari Uzun tuman
Kengashining
2023-yil 29-dekabrdagi
VI-66-135-8-118-K/23-son qaroriga
2-ilova

**Uzun tuman mahalliy budjeti daromadlarining
2024-yilgi asosiy prognoz ko'rsatkichlari**

T/R	Daromad turlari	Jami	ming so'mda	Mahalliy soliq va tushumlar	94 360 000,0
1	Yakka tartibdagi tadbirdorlar tomonidan to'lanadigan daromad solig'i	1 286 000,0			
2	Jismoniy shaxslardan olinadigan daromad solig'i	47 980 500,0			
3	Yagona soliq to'lovi	6 805 000,0			
4	Jismoniy shaxslarning yer solig'i	15 025 000,0			
5	Aksiz solig'i shu jumladan:	5 652 000,0			
6	Yakuniy iste'molchilarga benzin, dizel yoqilg'isi va gaz realizatsiya qilishdagi aksiz solig'i	5 652 000,0			
7	Jismoniy shaxslarning mol-mulkiga solinadigan soliq	6 185 000,0			
8	Ijara to'lovi	100 000,0			
9	Yuridik shaxslarning mol-mulkiga solinadigan soliq	3 506 000,0			
10	Yuridik shaxslar yer solig'i	3 382 500,0			
11	Yig'imlar	3 961 000,0			
12	Suv resurslaridan foydalanganlik uchun soliq	467 000,0			
13	Noruda qurilish materiallari uchun yer qa'ridan foydalanganlik uchun soliq	10 000,0			
14	Davlat mulkinii xususiyashtirishdan tushgan tushum				
II.	Taqsimlanadigan soliqlar	31 691 309,0			
15	Aksiz solig'i alkogol maxsulotlari	13 737 150,0			
16	Aksiz solig'i mobil aloqa	5 533 352,0			
17	Aksiz solig'i tamaki maxsulotlari	12 420 807,0			
III.	Respublika budjetidan ajratilgan tartibga soluvchi budjetlararo transferlar	53 203 391,0			
	Daromadlar hammasi	179 254 700,0			

Xalq deputatlari Uzun tuman
Kengashining
2023-yil 29-dekabrdagi
VI-66-135-8-118-K/23-son qaroriga
3-ilova

Uzun tuman mahalliy budgetining 2024-yil budget harajatlarining yo'nalishlar bo'yicha taqsimot ko'rsatgichlari

	ming so'mda
Xarajatlar miqdori, Jami	179 254 700
shu jumladan:	
joriy xarajatlar	179 254 700
1. Umumta'lum muassasalari va maktabgacha ta'limga muktabsozlik shaxslari	11 429 572,0
shu jumladan:	
joriy xarajatlar	11 429 572,0
2. Maktabgacha ta'limga muktabsozlik shaxslari	14 479 665,0
shu jumladan:	
joriy xarajatlar	14 479 665,0
3. Sog'liqni saqlash sohasidagi muassasalar	84 825 743,0
shu jumladan:	
joriy xarajatlar	84 825 743,0
4. Madaniyat sohasidagi muassasalar	2 056 264
shu jumladan:	
joriy xarajatlar	2 056 264
5. Jismoni tarbiya va sport sohasi	3 257 572,0
shu jumladan:	
joriy xarajatlar	3 257 572,0
6. Ozodikdan mahrum etish jazosini o'tab bo'lgan fukarolarga "dastlabki ijtimoiy-moddiy yordam paketi"	18 400,0
shu jumladan:	
joriy xarajatlar	18 400,0
7. Qishloq xo'jaligi bo'limi	2 412 993,0
shu jumladan:	
joriy xarajatlar	0,0
2 412 993,0	
8. Irrigatsiya bo'limi	2 238 597,0
shu jumladan:	
joriy xarajatlar	2 238 597,0
9. Ichki xo'jalik avtomobil yo'llarni ta'mirlash xarajatlari	4 000 000,0
shu jumladan:	
joriy xarajatlar	4 000 000,0
10. Obodonlashtirish boshqarmasi	8 506 692,0
shu jumladan:	
joriy xarajatlar	8 506 692,0
11. Mahalliy budgetlarda hokim yordamchilarining tavsiyalari asosida mahalla infratuzilmasini yaxshilash uchun	2 200 759,0
shu jumladan:	
joriy xarajatlar	2 200 759,0
12. Tuman boshqaruv organlarini saqlash xarajatlari	23 827 198,0
shu jumladan:	
joriy xarajatlar	23 827 198,0
Shu jumladan tuman xokimligini saqlash xarajatlari	2 941 865,0
shu jumladan:	
joriy xarajatlar	2 941 865,0
Tuman xalq qabulxonasini saqlash xarajatlari	58 280,0
shu jumladan:	
joriy xarajatlar	58 280,0
Tuman iqtisodiyot va moliya bo'limini saqlash xarajatlari	2 139 005,0
shu jumladan:	
joriy xarajatlar	2 139 005,0
Respublika budgetidan ajratilgan tartibga soluvchi budgetlararo transferlar	53 203 391,0
Tuman soliq inspeksiyasini saqlash xarajatlari	3 620 251,0
shu jumladan:	

joriy xarajatlar	3 620 251,0
Tuman xalq deputatlari kengashi kotibiyatini saqlash xarajatlari	281 977,0
<i>shu jumladan:</i>	
joriy xarajatlar	281 977,0
Tuman madaniyat bo‘limi apparatini saqlash xarajatlari	127 705,0
<i>shu jumladan:</i>	
joriy xarajatlar	127 705,0
Tuman kambag‘allikni qisqartirish va bandlikka ko‘maklashish bo‘limini saqlash xarajatlari	5 160 588,0
<i>shu jumladan:</i>	
joriy xarajatlar	5 160 588,0
Tuman mahallabay ishlash va tadbirkorlikni qo‘llab-quvvatlash bo‘limini saqlash xarajatlari	4 959 721,0
<i>shu jumladan:</i>	
joriy xarajatlar	4 959 721,0
Tuman yoshlar ishlari agentligi bo‘limini saqlash xarajatlari	4 537 806,0
<i>shu jumladan:</i>	
joriy xarajatlar	4 537 806,0
13. Ijtimoiy moslashuv markazi	69 171,0
<i>shu jumladan:</i>	
joriy xarajatlar	69 171,0
14. Zahira jamg‘armasi	1 592 145,0
<i>shu jumladan:</i>	
joriy xarajatlar	1 592 145,0
15. Fuqarolar tashabbusi jamg‘armasi	18 339 929,0
<i>shu jumladan:</i>	
joriy xarajatlar	18 339 929,0

Xalq deputatlari Uzun tuman Kengashining
2023-yil 29-dekabrdagi
VI-66-135-8-118-K/23-son qaroriga
4-ilova

Soliqlar va yig‘imlardan shahar va tumanlar mahalliy budgetlariga 2024-yil uchun ajratmalar me’yori

<i>Foiz hisobida</i>													
T/R	Shaxar va tumanlar nomi	Aylanmadan soliq	Yakka tartibdagi tadbirkorlardan olinadigan qat’iy belgilangan miqdordagi daromad solig‘i (faqat 3 111 401 daromad kodi)	Jismoniy shaxslarning yer solig‘i	Jismoniy shaxslarning mol-mulkiga solinadigan soliq	Jismoniy shaxslardan olinadigan daromad solig‘i	Suv resurslaridan foydalanganlik uchun soliq (Elektr stansiylari tomonidan to‘lanadigan suv resurslaridan foydalanganlik uchun soliqdan tashqari)	Benzin, dizel, siqilgan gaz, suyultirilgan gaz yoqilg‘isini yakuniy iste’molchilarga sotishdan aksiz solig‘i	Yuridik shaxslarning mol-mulkiga solinadigan soliq *	Noruda qurilish materiallari uchun yer qa’ridan foydalanganlik uchun soliq **	Yuridik shaxslar yer solig‘i ***	Ijara to’lovlar	
1	Uzun tumani	100	100	100	100	75	50	100	100	100	50	100	100

Xalq deputatlari Uzun tuman
 Kengashining
 2023-yil 29-dekabrdagi
 VI-66-135-8-118-K/23-son qaroriga
 5-ilova

**2024-yil uchun Uzun tuman budjeti daromadlar va
 xarajatlar prognoz ko‘rsatkichlari**

ming so‘mda

Hudud nomi	Daromad	Xarajat
JAMI	126 051 309	179 254 700
Uzun tumani	126 051 309	179 254 700

Xalq deputatlari Uzun tuman
Kengashining
2023-yil 29-dekabrdagi
VI-66-135-8-118-K/23-son qaroriga
6-ilova

**Uzun tuman budjetiga 2024-yilda ajratiladigan tartibga soluvchi budgetlararo transfertlar
miqdorlari**

ming so‘mda		
Shahar va tumanlar	Tartibga soluvchi transfert miqdori	<i>shundan, aksiz solig‘i tushumlari xisobidan ajratiladigan mablag‘lar*</i>
JAMI	53 203 391	31 691 309
<i>shundan</i>		
Uzun tumani	53 203 391	31 691 309

*tamaki, alkogol mahsulotlari, shu jumladan, pivo (import orqali kirgan mahsulotlardan tashqari) hamda mobil aloqa xizmatlari
uchun aksiz solig‘i tushumlari hisobidan ajratiladigan mablag‘lar

Xalq deputatlari Uzun tuman
 Kengashining
 2023-yil 29-dekabrdagi
 VI-66-135-8-118-K/23-son qaroriga
 7-ilova

2024-yilda Uzun tuman mahalliy budjetlarida yo'l qo'yiladigan eng kam mablag'lar miqdori

ming so'mda

T/r	Hudud nomi	Miqdor
	JAMI	892 590
1	Uzun tuman	892 590